

Date : 5 Julai 2013
Title : UNITEN unggul Kategori Olimpik
Publication : Harian Metro
Page : 88

UNITEN unggul Kategori Olimpik

Oleh Azizan Hashim
sukan@mediaprima.com.my
Ipoh

Universiti Tenaga Nasional (UNITEN) muncul juara keseluruhan kategori Olimpik Kejohanan Taekwondo Terbuka Antarabangsa Piala Datuk Bandar Ipoh di Agro-mall, Pusat Transformasi Luar Bandar (RTC), Gopeng, baru-baru ini.

UNITEN yang diwakili sembilan atlet mengutip 40 mata selepas meraih tiga emas dan dua perak.

Peserta adik-beradik Husein dan Ahmad Saleh Mauladdawilah serta Al-mostafa Alsadiq Ahmed muncul juara kategori bawah 80 kg, atas 80 kg dan bawah 58 kg.

Manakala pingat perak UNITEN disumbang Abdel Rahman Ahmed melalui acara bawah 80kg dan Mar-sya Najiha Syabila Mohd Nizam (atas 80 kg).

RSB Perak muncul naib juara selepas meraih 37 mata manakala Universiti Tunku Abdul Rahman (UTAR) ketiga, 27 mata.

Sementara itu, RSB Perak muncul juara keseluruhan 'Grand Championship' selepas meraih 424 mata mengatasi pasukan Storm Kedah yang mengutip 177 mata kedua dan Yikang Soma dari Perak ketiga (158 mata).

Kejohanan kali pertama anjuran Kelab RSB Taekwondo dengan kerjasama Persekutuan Taekwondo Negeri Perak (PTNP) sempena sambutan 25 tahun Majlis Bandaraya Ipoh (MBI) disertai 16 kelab termasuk tiga universiti iaitu UNITEN, UTAR dan UPSI.

Majlis perasmian disempurnakan Datuk Bandar Ipoh Datuk Roshidi Hashim yang turut menjadikan kejohanan itu sebagai acara tahunan.

FAKTA
UNITEN kutip
40 mata,
raih tiga emas,
dua perak.